

» proposizion. Ghe sarà sempre chi le oppona, resisterà sempre la  
 » quiete, la costanza del Mazor Conseggio. Ghe sarà sempre dei  
 » giudizi che le rifiutarà. Mi no esamino e non vado a cercar, se i  
 » sarà de uno, do, o più voti, quando la decision abbia un numero  
 » legal, questo basta. I mali e i disordini della proposizion ghe ze  
 » stadi fatti noti dal Contarini. Le l' ha trovada delusoria, ultronea,  
 » pericolosa, per l' effetto falsa nei suoi assunti. Sul ministero el ga  
 » ditto, che femo meggio i magistrati, e gavaremo allora boni mi-  
 » nistri, e che se gavaremo boni ministri faremo ben i magistrati.  
 » Anche mi, se dovessi parlar a uno a uno, ghe dirave, le correg-  
 » ga el ministero, le invigili su questo, e le vederà le cose andar  
 » meggio.

» Venero sommamente l' eccellentissimo Barbarigo; ma ghe  
 » domando perdon; me aspettava altra teoria della pietà del so cor.  
 » Le ha inteso quanto pericolo ghe sia el frequentar sta renga;  
 » quanto ben sarave, che la fosse solitaria e polverosa. Halle senti-  
 » do, come se corrobora sta teoria? Con un casetto, con quattro  
 » parolette ditte, non se sa quando, a qual fin e perchè. Se ghe fosse  
 » qua presente quel prestantissimo egregio cittadin, che le ha dette,  
 » ghe domandarave, se avendo da condur sti forestieri in Senato, la  
 » renga el l' averia trovada polverosa o no? Se là el l' averave tro-  
 » vada netta e senza polvere, come mai sta differenza? Come ave-  
 » ravelo possudo darghe da intender, che qua la polvere sia segno  
 » de pubblica felicità, in Senato no? Qual confronto averave dovu-  
 » do far el forestier nel suo cor? Sarà sempre ben che ghe sia dei  
 » cittadini zelanti, che invigili, che ecciti sui mali e promova i beni.  
 » Se ga ditto, che poche ze le materie del Mazor Conseggio.  
 » Bisogna non saver, quanti magistrati lo compona, per dir, che le sia  
 » poche, se ognun de sti magistrati se pol presentar al sovran colle  
 » respettive materie.

» La serenissima Signoria ga posto una proposizion opponente  
 » alle leggi; l' eccitante ghe ne vol una a norma delle leggi. In sta  
 » vertenza, vostre eccellenze coi loro voti per la quarta volta decida,